

# Pemuda nafi sembilan tuduhan seksual terhadap kanak-kanak

## Tertuduh direman lanjut sehingga kes disebut semula 29 Mei

Oleh Reno Benjamin

**SIBU:** Seorang pemuda mengaku tidak bersalah di Mahkamah Sesyen di sini semalam atas sembilan pertuduhan seksual terhadap seorang kanak-kanak lelaki berumur 15 tahun, dua tahun lepas.

Hakim Marutin Pagan yang mendengar kes serta pengakuan tidak bersalah tertuduh, 26; menawarkan tertuduh bebas dengan ikat jamin RM3,000 dengan seorang penjamin.

Tertuduh yang tidak diwakili peguam bagaimanapun gagal mengemukakan ikat jamin dan diperintah ditahan reman sehingga kes

disebut semula pada 29 Mei ini.

Bagi pertuduhan pertama, tertuduh didakwa atas pertuduhan meraba dan memeluk tubuh mangsa sementara tuduhan kedua menyuruh mangsa menyentuh kemaluannya dengan menggunakan tangan.

Sementara pertuduhan ketiga, dia didakwa melakukan persetubuhan yang bertentangan dengan aturan tabii iaitu dengan memasukkan zakarnya ke dalam mulut mangsa.

Dia didakwa melakukan ketiga-tiga kesalahan itu pada bulan September 2021, kira-kira jam 8.30 malam di sebuah premis Lorong Wa-

wasan 9A.

Bagi pertuduhan keempat, dia didakwa meliwat mangsa pada bulan September 2021, kira-kira jam 4 pagi di tempat sama.

Pertuduhan kelima, tertuduh dituduh membelai badan mangsa dengan tujuan melakukan hubungan seks.

Bagi pertuduhan keenam dia didakwa menyuruh mangsa menyentuh kemaluannya dengan menggunakan tangan sementara pertuduhan ketujuh meliwat mangsa.

Untuk ketiga-tiga pertuduhan ini, dia didakwa melakukan kesalahan itu pada bulan Oktober 2021, kira-kira jam 8 malam di

Lorong Ding Lik Kong 18.

Bagi pertuduhan kelapan dan kesembilan, tertuduh didakwa melakukan kesalahan itu pada bulan November 2021, kira-kira jam 8 malam di Lorong Ding Lik Kong 18. Dia didakwa membelai badan mangsa dan memasukkan zakarnya ke dalam mulut mangsa.

Sehubungan itu, tertuduh telah melakukan kesalahan di bawah Seksyen 377A Kanun Keseksaan serta Seksyen 14(a) dan Seksyen 14(b) Akta Kesalahan-kesalahan Seksual Terhadap Kanak-Kanak 2017.

Pendakwaan kes dilakukan oleh Timbalan Pendakwa Raya Rex Heng.